

MAFAMBISELO YA XIYIMO XA NANDZELERISO WA XIBALO NA SARS

Xana i yini Leswintshwa??

4 Hukuri 2019 – Ku humesiwa ka Setifikheti ya Mbhasiso wa Xibalo (TCC) swi herisiwile ku sukela hi ti 4 Hukuri 2019. Ku sukela ku vi le na sisiteme yintshwa ya Xiyimo xa Nandzeleriso wa Xibalo (TCS) hi 2015, hi tsundzuxile leswaku TCC leyi kandziyisiweke yi ta yimisiwa eka siku kerhi nga ta ta. TiTCC hinkwato leti nga ku hangalasiweni sweswi ti ta yimisiwa. PHINI ya TCS yi ku kotisa ku pfumelela vandla rin'wana na rin'wana ra vunharhu (nhlangano kumbe mfumo) ku langutisa xiyimo xa wena eka inthanete hi ku tirhisa eFiling. Yi ta va nyika xiyimo xa wena hinkwaxo xa nandzeleriso eka siku na nkarhi lowu va nga xi vona hi wona. Ku sirhelela xihundla xa muhakelaxibalo, ku hava vuxokoxoko byin'wana lebyi nga ta fikeleleka eka vandla ra vunharhu.

Xana i yini?

Eka tshalatshala ra hina ro ya mahlweni hi antswisa nandzeleriso no endla swi olova eka vahakelaxibalo ku fambisa timhaka ta vona ta xibalo, Vukorhokeri bya Xibalo bya Afrika-Dzonga (SARS) byi tivisile Sisiteme ya Xiyimo xa Nandzeleriso wa Xibalo leyi antswisiweke.

Ku landzelerisa xibalo no 'hakela leswi nga ku ringana' a swo va kahle ka wena ntsena, kambe swi tlhela swi hoxa xandla xa kahle eka nkulo wa ikhonomi ya tiko ra hina leswi hi le tlhelo swi vuyerisaka vaaki va Afrika-Dzonga hinkwavo.

Sisiteme ya TCS ya kumeka eka mitirhiso leyi landzelaka:

- Ku va etibukwini ta kahle
- Thendara
- Xengetelo wa Vuvekisi bya Matikomambe Foreign Investment Allowance
- Vurhurhi etikweni

Ku endla xikombelo xa wena xa TCS, u nga fikelela sisiteme ya TCS hi ku hlawula nhlawulo eka menyuu ya TAX STATUS eka eFiling kumbe ku endzela rhavi ra SARS ra le kusuhi na wena. Loko wo tshuka u ri na swivutiso, u komberwa ku tihlanganisa na SARS Contact Centre eka 0800 00 7277.

Xana i ya yini?

Sisiteme leyintshwa yi ta endla swi olova eka vahakelaxibalo ku kuma PHINI ya Setifikheti ya Mbhasiso wa Xibalo (TCS) hi ku tirhisa tichanele leti landzelaka:

- Eka inthanete hi ku tirhisa [eFiling](#); kumbe
- Hi ku endzela [Rhavi](#) ra SARS.

PHINI ya TCS yi fanele yi tirhisiwa hi mavandla ya vunharhu lawa ya pfumeleriweke ku tiyisisa xiyimo xa wena xa nandzeleriso eka inthanete hi ku tirhisa SARS [eFiling](#).

Swi na nkoka ku tsundzuka leswaku xiyimo xa nandzeleriso wa muhakelaxibalo a xi tshami xi nga cincin naswona xa cinca hi ku ya hi nandzeleriso lowu ya ka emahlweni na swilaveko swa xibalo.

Xana ndzi fanele ku endla yini?

Na leswi emihleketweni, loko u fanele u landzelerisa xibalo, u fanele ku tiyisisa leswaku:

- A wu na mithheriso yin'wana ya xibalo leyi kayiveleke
- A wu koloti mali yin'wana na yin'wana eka SARS handlekaloko ku pfumelelaniwile hi malulamiso yo hakela kumbe yimiso wa xikweleti

- U titsariserile swikumiwa hinkwaswo swa xibalo leswi u nga na vutihlamuleri eka swona
- Vuxokoxoko bya wena lebyi nga tsarisiwa byi lulamisiwile. [Ku kuma vuxokoxoko byo hlaya eka ku engetela leswintshwa eka vuxokoxoko lebyi tsarisiweke tlilika laha.](#)
- U nga va u hlanganisile (hi ku tirhisa Merge tool eka eFiling) kumbe u tivisile (eka fomo ya ERC01 leyi kumekaka tanihi xiphemu xa phurosese ya TCS eka eFiling), tinomboro ta wena hinkwato ta rreferense ta xibalo leti tsarisiweke. [Ku kuma vuxokoxoko byo hlaya mayelana na Merge, tlilika laha..](#)

Sisiteme leyintshwa ya TCS yi le mbilwini ya xipfuni xa "My Compliance Profile (MCP)". MCP yi nyika vahakelaxibalo nkarhi wo languta xiyimo xa vona xa nandzeleriso wa xibalo eka inthanete tanihileswi swi kumisisiweke xiswona hi SARS ku kota ku ololoxa nkanandzeleriso wun'wana na wun'wana lowu boxiweke. Ku simekiwa ka MCP ku nyika vahakelaxibalo vuxokoxoko byo hlaya bya mayelana na nandzeleriso wa vona wa xibalo no vumba tshaku ra nandzeleriso hinkwawo wa xiyimo lexi humesiweke mayelana na swikombelo swa TCS (xikombiso eka Thendara kumbe vumbhoni bya Nandzeleriso wa kahle wa bindzu na swin'wana).

Ku kuma vuxokoxoko byo hlaya eka tiphurosese ta xiyimo xa nandzeleriso wa xibalo landzelela tilinki laha hansi:

- [U fikelela njhani ""My Compliance Profile" hi eFiling](#)
- [U kombela njhani Xiyimo xa Nandzeleriso wa Xibalo xa wena](#)
- [U tiyisisa njhani Xiyimo xa Nandzeleriso wa Xibalo](#)

Xana u lava ku pfuniwa?

Bela SARS Contact Centre riqingho eka 0800 00 SARS (7277), kumbe u endzela [rhavi ra SARS](#) ra le kusuhi na wena.